

福建通志

第玖拾陸冊
烈女傳

K295.7

1

福建列女傳卷五上

節烈一 閩縣

林昭珽嘉定進士羅國獻妻于歸甫半載夫出按滇中殉難氏居閩長齋誦經終以上宋

劉氏前行省都事賈訥母大德間以上元

張氏王英妻夫客死氏扶柩還葬洪武初有武臣欲以重賄逼致之氏矢必死置刀自防竟全其節

陳坤正王賓興妻于歸甫五載夫歿子四歲陳欲從夫於死以舅司鐸粵東姑年老不忍以孤雛重爲姑累乃忍艱撫孤尋舅亦解官歸孝養惟勤子國有補郡弟子員孫曾多登賢序

劉氏王復之妻夫病篤疑少婦不能爲孤地劉乃咬一指殉棺中孀守終張氏王華石妻撫幼孤課孫曾成立苦節九十載終

王氏楊和生妻夫亡子永尙幼家貧苦守後永登宣德進士官御史

林秀卿楊文正妻夫歿上奉翁下訓二子守節六十八年壽九十四子淑玉廩生孫一謨嘉靖乙未進士官貴州參議

羅氏楊珙妻年二十寡撫一子二女力貧教之子復卒楊嗣遂絕羅氏依女以居志操彌勵

王氏楊源繼妻夫卒撫嫡子澄如已出勤女紅以養老姑後澄領鄉薦與教諸暨盱眙俱迎養翰林修撰王鉅扁其堂曰甘節年八十二卒

潘氏陳啟妻子傳正統進士

林氏陳鳳岐妻子聯芳嘉靖進士

張氏陳正謨妻子公陞嘉靖進士

唐氏陳暉妻夫亡無子以夫姪定爲嗣定又卒撫孫良默艱苦七十餘年胡氏陳瑤妻夫死無子誓不重適其婦王氏夫住亦早夭或勸改適王曰獨不愧夫嫂耶婦姒相依遂各立後以大年終

張氏陳賢妻夫溺死氏產遺腹子家貧舅姑老氏日則授女徒夜則辛勤

紡績焉

林氏陳紹惠妻夫死子寬方週歲晝夜勤生理以撫孤寬又卒撫諸孫壽七十餘

黃氏陳時起妻舉人陳堯若母夫歿矢志存孤奉翁姑甘旨不衰

鄭氏參政陳全妾生子邦涑夫卒撫孤成立涑又卒偕婦林氏孀守數十年育孫國楣孫婦林氏又寡遺孤世任

王氏陳穎封妻夫客死氏不忍火夫柩負甚日兩食無完衣常號泣以運櫬爲念衆憐其節助葬之

林淑琬陳昌大妻夫卒姑老子幼孀守五十年子懋莊鄉塾遲歸氏輟食哭曰爾父不能繼武北山公爾復放縱恨不早從九原矣子跪床下夜分色解乃起

高氏舉人鄭世澤妻子餘慶正統舉人

鄧氏鄭坦妻性聰慧能口誦列女傳孝經坦卒父母憐其少微諷之鄧引

刀斷兩耳以坦弟子雲鎬爲後年八十餘卒雲鎬舉隆慶鄉薦氏著有風教錄讀岳鄂王傳詩云英雄誓復舊山河爭奈奸邪誤國何鐵馬長驅河洛水金牌亟返郾城戈中原父老空遮訴南渡君臣不恥和五國城頭烟月慘千年墳樹盡南柯

張氏諸生鄭洛妻子耀萬曆舉人

林氏鄭鏗妻夫與兄俱死母年七十餘其娣遺孤於林而別嫁林痛夫死姑老而娣所遺孤與己子俱幼矢志不嫁躬採薪拾穗以養姑二年子又場族黨歲輸穀食之後姑死林爲喪葬且代娣所遺孤婚娶焉

林淑珍鄭龍咍妻夫卒於官矢節撫孤五十三年喪葬無憾

陳氏舉人李烜妻天順間夫會試場屋火死焉氏年二十九舅姑老子賓四歲家貧甚拮据營葬養遺孤

劉淑馨李岳妻寡時男六歲內外期功無一足恃艱難備嘗其後二孫同領鄉薦次孫廷美登甲第瓊山邱濬銘爲甘節之堂

王氏李海若妻潮州學博王澄泉女夫早卒生子時健又卒媳與氏張撫
兩世孤俱以壽終

林氏高明妻子圭天順舉人

黃氏林濬妻子宏綱弘治歲貢

王氏舉人林忻妻子文讚弘治進士

許氏林紹妻孫堪嘉靖舉人曾孫材萬曆進士

何淑姿諸生林廣妻寡時子擇始生矢死守節後擇先母卒妻朱氏亦堅
忍奉姑

陳氏林焯妻夫客死氏年二十九攜孤懋和歸撫教之後懋和官至方伯
氏年八十餘卒

陳氏姐林鏡妻長樂太僕寺卿文沛之女適林而夫早夭氏慟不欲生姑
解之曰婦有娠今幸而生男可延一線之脈氏忍死以俟彌月舉一男甫
週而殤氏慟哭幾絕姑又再三解之曰婦當事我餘年氏遂屏葷茹素奉

姑至老不懈

郭氏葉時彥妻年二十八寡其子理娶婦朱氏年二十二亦寡遺腹孤順二婦撫而長之

陳氏葉英妻子繼熙嘉靖舉人

林氏葉維節妻年二十七寡養姑撫嗣不易其志

葉氏劉文賦妻孫世揚正德進士

王氏劉璵妻夫亡無子撫二女嫁之以節終

陳氏鄧燁妻子原玉嘉靖舉人

吳氏鄧標妻侯官人夫卒遺孤煌二歲課督成立

孫氏張連妻曾孫炳萬歷舉人

趙氏張一鵠妻武舉天球母也夫病封股以進不效毀形以節終

徐氏張岱妻岱死截髮誓不嫁時舅年七十雙瞽夫又無子氏鬻田園置妾將氏以奉舅局一室南敢小牖進飲食北穿小竇出溲便具曲意事將

三年蔣生男世崇二歲而舅卒蔣亦不嫁與徐共撫以終

楊氏趙國泰妻孀居家貧姑劉氏失明病篤氏叩天請代刲股和藥以進姑病愈眼復明當事奏聞每歲賜穀十石

吳氏趙聰妻侯官人夫卒姑疑其有異志吳揣知泣曰既爲趙氏婦義當爲趙氏守況又有老姑幼子乎惡笄垢服日爲鄉鄰女子師暇則躬紡績以給二子爲學後長子正領鄉薦次子曾舉明經同赴京師吳諭之曰若得官江南可便道歸視吾明年必從女父於地下矣正援電白訓導曾授本郡學訓導抵家省視吳已得疾相見數日卒

鄭氏余尙春妻夫客死氏扶櫬歸祖姑及姑又相繼亡家貧三喪未舉或勸從俗火葬鄭不從葬之以禮後子亮領景泰鄉薦

李淑善曾理瓊妻夫卒子幼茹荼勵操將卒正襟端坐召子孫教戒之乃終

陳氏知府孟圯繼妻子高弘治舉人

鄒氏莊宏紳妻子嚴嘉靖舉人

曾氏學正羅惟遠妻年二十七而寡惟遠前妻子一驚氏撫之如已子夫素慷慨好施氏咸將順夫死有姻家負其金二百氏取券焚之曰吾夫志也嘉靖聞以子貴封恭人

林氏方山黃某妻夫亡子智在乳誓不再醮撫智成立爲延平訓導

董氏諸生孫逢機妻連江人夫亡撫孤甫七歲氏嚴督課每踰閭遊戲輒令跪不與飲食夜績坐孤於側令諷所業不丙夜不休精治葛細如穀人稱節婦葛爭厚售之藉以奉甘旨後孤亦成名

潘氏謝璵妻夫歿舅姑老而貧未幾舅死姑又盲朝夕扶持既卒奉柩合葬蠶績給孤其後子鏞爲雷化訓導

林與芳吳爾雅未婚妻尙書林燦孫女幼許吳而夫卒女年十六欲奔喪父母難之女重違父母意齋素自持不履閭外者十二年臨死曰葬必歸吳台掌念佛而瞑

廖璧彭夢槐未婚妻十八歸彭有期夫舟行溺死女聞訃卽欲自經母防視弗獲乃請於祖母及母往視殮撫屍慟哭屍法法出淚口鼻血迸流氏爲舐之遂守喪不去

陳益使林佐未婚妻佐未娶而卒氏持齋誦經壽五十

王淑京薛高未婚妻未行而夫夭女欲奔喪其兄以未承父命不許無何父卒於南都女編衣茹素科髮垢容坐卧小樓上九年其翁乃立長子之子爲嗣備禮迎女初高有婢如珪侍病者也感婦義亦不字三年遂嘔血死

王懿恭陳志選未婚妻未婿而夫卒氏奔陳矢志三十年獨居小樓飲食以小筐引繩而上毀容減飾病劇預知死時日沐浴整鬢瞑坐端然而逝程正卿陳國璽未婚妻年十四而夫歿正卿素服哀號奔喪以新婦禮謁翁姑乃泣謝曰非不欲代夫奉甘旨也恐以未亡人爲翁姑憂且母年老須歸視寢食不敢受翁姑絲粟遂回母家勤紡績備甘脆奉母必兼奉翁

姑

周敬諸生王巽未婚妻年十二母歿外戚令與兄均分隱飾女曰安忍觀此惟視父膳寒煖及哺幼弟餘無所問崇禎庚午夫卒父祕不使聞女偵知縞素哭五晝夜水漿不入口遂歸王門立嗣不返朝夕禮拜其夫像及姑歿並祀之有表姊劉氏者亦嫠也晚年與之相依長齋事佛俱苦節終以上明

伍氏貢生彭佐聖妻夫歿紡績課子

余氏林棟妻養姑撫子

甘氏林鴻磐妻夫病刲臂爲羹以進不效痛欲殉以太姑幼子故勉爲末亡人孝謹無違禮孤逾年殤又立嗣子長娶戴氏復天氏與婦矢志不二

紡績糊口

以上康熙間

劉氏林澤妻夫死絕粒旬餘身有娠母慰勸之乃不死苦節撫孤石琨諸生林統妻立夫姪爲後紡績爲夫營窀穸

李氏林士鳳妻夫死截髮投棺中誓無二志舅姑歿盡出所積營葬舅姑及夫柩撫男女成立

翁氏諸生林宜光妻夫疾篤刲股餵天請代不效勉從姑命撫育二孤

丁氏林緯妻夫歿絕粒七日不死承翁命撫孤篝燈課子雲龍成立

陳氏儒士林士騏妻夫亡矢志撫三孤孝養舅姑孀守六十一年

羅輝莊林充漢妻寡無子孝養舅姑立夫兄子爲後又殤復擇繼嗣足不踰閭病不延醫

陳氏諸生林際泰妻夫死撫三孤成立事姑孝謹

王氏林鑑妻夫歿氏矢志事翁撫子艱苦備嘗

陳氏諸生林祖發妻夫病篤刲股以療不愈遂投環以救免孀居撫子三十五年

范氏林良誠妻夫死勤紡績以奉舅姑育孤子勵節三十九年

邱氏林德懋妻夫歿欲以身殉念姑老子幼矢志苦守勤紡績奉甘旨惟

福壽及女傳
六
謹孫劔光成進士

劉氏林仲妻嗣子星章道光丙戌進士

李氏林煥妻星章生母

李氏儒士葉長青妻撫孤銓長娶何氏而銓歿何無出絕粒投繯李諭止之相依同撫嗣作鵬成諸生何故豐饒甫入門卽驚以紆姑急及姑歿盡斥所有以襄事

廖氏林應鯉妻夫卒家甚貧廖矢志孀守厯年七十五病篤其子宏裔顧天刑殷制之

鄭氏張國奎妻夫歿投繯奔井俱以救免姑泣曰爲我存兩孤乃不死已而次孤殤婦意今一雛可以累姑走投江漁者舉網截浪得不死載還姑疾剪肝雜糜療之族有亡賴子造嫚書誣婦婦恚以刀割左耳姑與氏父訴邑令未得白婦曰誣不白聽惡言何爲復割右耳巡撫卞永譽廉知檄縣取狀示期設座觀者如堵牆令隸捧兩耳遍示觀者隨閱嫚書每一行

命批頰數十仍杖之論戍邊國人快之越數月兩耳更生輪廓悉具

陳氏林正裔妻于歸甫六月夫亡以女紅供養老姑撫遺腹子振宗讀書一日歸寧外戚譏以別適氏以石槌胸暈絕復甦立即奔歸十年不至父家

程氏林永舉妻撫遺腹孤紳舉明經皆程課督

溫氏林在岐妻翁老家貧堂有太姑氏竭力女紅供甘旨撫孤成立

方氏林君政妻撫遺腹孤娶婦而子婦俱亡氏孤苦無依晚節彌艱閭里哀之

程氏林元秀妻生子世英二歲而夫卒孀守以終世英娶丁氏年二十四而世英亡遺腹生男永祿娶孫婦周氏方四載而永祿又喪乃以夫姪之子永祿承嗣

鄭氏林永壽妻夫亡子與瓊方七月矢志孀居訓子成立

黃氏林天培妻歸二年夫卒子甫八氏撫孤孝養翁姑

劉氏宜陽縣丞林錦立妻夫死父欲奪其志不可卒攜幼子歸閨不下樓者五十餘年

歐氏武舉林起鳳妻夫以計偕卒於道撫孤三十一年

陳氏林賢經妻順昌訓導天昌女守節三十三年

鄭氏林振基妻夫疾革乃于歸次日夫卒立嗣以節老

藍氏諸生林飛龍妻早寡姑老病氏負以出入勤紡績奉姑自採鮑葉以充食督孤志仁讀或勸使孤習吏事氏曰卽餓死亦當世世讀書後志仁舉於鄉

郭氏林伯宗妻夫亡返父家父欲奪嫁之氏買舟逸旣而立嗣又傷依女家以節終

宋氏林捷春妻未嫁時刲股療母疾及孀守又刲股療姑疾完節終身

張氏林廷亨妻夫兄亦同時歿氏與姒吳氏同心守節各撫一子

吳氏林振本妻于歸數月而夫病越三年病篤氏刲股以進弗效勤十指

以養耄姑並撫嗣子食貧茹苦數十年

魏氏諸生林亮北妻訓子有法

何氏林元振妻與妯李氏稱雙節

趙氏林占芳妻與繼姑李庶姑蔡稱三節

樂氏許正冠妻子汝培戊子舉人直隸教諭

鄭氏林超捷妻奉事翁姑撫養嗣男廣颺歲貢生 道光閒

陳壬使儒士楊學佐妻夫卒絕粒逾旬勉從姑命強活撫孤

林氏楊必謀妻翁姑暮景撫二孤三十餘載 以上康熙閒

李顯姐楊子觀妻夫卒孤甫四月矢志撫孤孝養舅姑

紀氏楊鏗祖妻無子家貧忍饑孀守孝事老姑艱辛備至

林瑤葉汝棟妻生一女而夫亡勤十指奉姑與其女茹糠粃酷寒無衾抱

持而泣兄開州牧遜憐之迎歸猶月弄夜績錢以供姑爲嗣子天祚娶婦

方氏諸生葉聯雲妻事姑撫二孤長彌遊庠次宗臣入成均 以上雍正閒

孫氏李若霞妻夫病刲股顙天不效事垂白翁姑撫教二藐孤成立

陳氏李兆魁妻日夜紡績得升米以事翁姑撫子成立

林氏諸生李德純妻純病革氏刲股調藥撫二孤長肇梅候補州牧次肇杏明經

黃氏李天器妻撫孤子平章成立

陳氏李文鶴妻子慎修在抱撫孤成立

黃祖姐李鍾書妻孝事翁姑撫二孤九河九江俱底成立

王氏舉人李建極妻撫孤雲龍蘇州通判

林氏李學熾妻嘗刲股療姑

陳氏趙銓妻夫以耽書病瘵氏歷臂肉以進夫覺不忍食曰我天數也所以不瞑者翁姑老不及奉君前以婦代子拜賜多矣幼子洵方倚床夫復指而泣曰此亦爾累也夫卒事翁姑克孝家貧力女紅並日而食子洵癸巳進士任邵武教授

康熙間